

Aruba y su bandera

Aruba y su Escudo



Ora ta usa un bandera ta identifica e simbolo nacional. Identificacion pa medio di un bandera ta data for di tempnan masha bieuw.

Durante guerra, Egipto, Grecia y Persia tabata carga un bandera na un lansa. Hopi biaha riba e bandera tabatin un dibujo, mayoria biaha di un of otro animal.

Durante un guerra presencia di un bandera ta crea orden y regla.

Awendia nos tambe tin un bandera pa identifica nos pais. Pesey awe nos ta celebra dia di bandera.

Aruba a haña su bandera dia 18 di Maart 1976.

Riba indicacion di Gobierno Insular di Aruba un comision cu a wordo nombra a cuminsa cu su tarea di organisa un concurso den pueblo pa un diseño di bandera. Un total di 693 diseño a wordo manda aden.

Durante e tarea di e comision varios hecho pertinente a resulta. Asina hopi contribuyente, mayoria muchanan di scol, a desea di mira un strea di cuater punta y esaki pa varios motibo. Tambe un cantidad grandi a opta pa lista of marcanan di color horizontal y/of vertical.

E colorman dominante tabata corra , blauw, blanco y geel. E bandera mes no a ser escogi entre e contribucionnan di e concurso pa determina e bandera. E comision a dicidi, cu yudansa di un experto mericano di e Flag Research Institute na Boston, pa entrega nan propio diseño cu ta contene un combinacion di e color, nificacion y balor cu e contribuyentenan kier a dun'e.

Riba 16 di Maart 1976 nos parlamento a accept a e diseño aki cual awe ta e bandera oficial di Aruba. Dos dia despues 18 di Maart, e bandera aki

a wordo hisa pa prome biaha den un grandioso inauguracion oficial di himno y bandera den Wilhelmina Stadion.

E color blauw di e bandera ta simbolisa e laman inmenso cu ta rondona un isla o sea e strea di cuater punta cu ta retene e posicion di honor mas serca e asta y e parti ariba di e bandera, pa simbolisa e posicion di Aruba den e oceano cu ta rondon'e.

E bandera tambe ta nifica cu e isla ta anhela di ta independiente di otro nan, pero cu no kier aïsla su mes di esnan cu ta rondon'e y ta trata di keda liga cu nan pa e laman. Esaki ta ser simbolisa claramente pa e dos strepinan horizontal den e bandera cu ta muestra e posicion liber y apart di Aruba den e mes laman, sin distancia su mes di otro isla y paisnan.

E strea di cuater punta ta simbolisa e cuater direccionnan di compas, for di cual direccion representantenan di 40 y mas pais a bini Aruba y a forma un comunidad y ta biba armoniosamente cu ta garantiza e libertad maximo. Tambe e ta muestra riba e cuater costanan di e isla unda laman ta forma un barera natural.

E strea su cuater puntanan ta denota e cuater camindanan maritimo y aereo for di unda nos economia ta bini y for di unda ta bini y ta regresa nos turismo y e demas pilarnan di economia manera comercio y industria.

Estrea corra cu color blancota simbolisa e cariño inmenso di cada ciudadano pa cu su isla; ta denota ademas e color di nos industria di antaño di palo di brazil y cochenilla y ta rindi homenahe na e sanger indio drama den Rooi Frances pa su libertad.

E strea blanco ta simbolisa e santo sin mancha di e playanan extenso cu ta rondona e isla y alavez e pureza di curason di e habitantenan cu ta respeta husticia, orden y libertad.

Geel ta e color di abundancia. E ta e color apropia pa denota nos industria quimica y petrolera, y di e semper bibo aloe; cu nos comercio y turismo ta forma conhuntamente e fuente di ingreso di nos pueblo. E listanan geel den posicion horizontal ta demostra solidos y largo duracion di tal abundancia. Ademas



E escudo di Aruba ta den uso oficial desde 15 di December 1955, fecha riba cual parlamento di Aruba a aproba e escudo den un resolucion insular. Originalmente e diseño basico di e escudo a wordo crea dor di e Atelier voor Heraldische Kunst estableci na Amsterdam, Hulanda.

Den un concurso pa escudo organiza pa Gobierno Insular y anuncia den corant dia 27 di Maart 1953, e tayer hulandes di arte a crea e diseño cual a wordo selecta entre varios dor di Gobierno Insular. Riba e diseño aki sin embargo, Gobierno di Aruba a haci dos cambio cu aprobacion di e Atelier voor Heraldische Kunst pa laga refleha mas ainda e simbolonan inconfundible di Aruba.

E cambionan aki ta den e prome y di dos cuartel di e escudo. Mientras cu e tayer hulandes a pinta solo den e prome cuartel, Gobierno Insular a cambie pa un mata di aloe. Den e di dos cuartel originalmente e tayer hulandes a pinta e cero di Jamanota; Gobierno di Aruba a cambia esaki pa e cero di Hooiberg. Bao di e reglanan di concurso, e diseño di e escudo a bira propiedad di e teritorio Insular di Aruba, y pues e escudo ta esun oficial di Aruba su gobierno manera el a wordo aproba dor di nos parlamento dia 15 di November 1955.

Un escudo di un pueblo ta un simbolo

cu ta refleha diferente aspecto tipico di e pueblo. Nos bunita escudo tambe tin su nificacionnan cualnan ta lo siguiente:

Den e prome cuartel, e mata di aloe ta simbolo di e prome fuente di bienestar di nos teritorio insular.

Den e di dos cuartel, e cero di Hooiberg como parti di e entidad, ta simbolisa e isla di Aruba, cu ta surgi for di laman. E color berde ta duna, como color di alegria, expresion di e alegria pa e autonomia obteni. E liñanan manera ola ta figuracion di nos laman.

Den e di tres cuartel, dunamento di man ta simbolisa e lasonan amistoso cu otro nacionnan y pueblonan, tanto den sector politico como tambe economico cu Hulanda y otro islanan di Antias Hulandes. E color corra ta simbolisa generosidad, modestia, balor y laboriosidad riba cual e lasonan aki ta basa.

Den e di cuater cuartel, e rueda ta representa e industria como fuente di bida di mas importante di nos isla.

E cruz riba henter e escudo ta simbolisa devocion y fe.

E leon riba e escudo ta representa forza y generosidad, cual cualidadnan ta ser subraya pa medio di e color.

E ramanan di laurel ta simbolo di paz y amistad.

**FELIS DIA
DI HIMNO
Y
BANDERA**